

晚  
軒  
遺  
稿

古3648  
文40  
93





晚軒遺稿序

子曰質勝文則野文勝質則史文質彬彬然後君子然與其文勝而史也不若質勝而野何也質者德性之謂也史者記述之謂也文雖充棟汗牛富如王盧蘓黃無德可稱則難為列於君子之流矣文雖不足善言德行如冉閔顏淵則何傷於君子之歸乎日余友申君在英袖其先考晚軒遺集一帛以問序於余曰唐之李愿縱有隱遯之趣如無韓文公盤谷之序則百世之後疇知愿之為愿也先人所著詩文若干散佚無存小子累年積力索於門人各家者僅不過詩律序記等幾編而素以親老家貧未能專意



古 3648  
文 440  
93

讀書且不嫻於著述所遺者縱難公於世為子者敢不蒐輯而珎箴乎願得一言之重以為弁卷之資則先君之名庶可不朽可擬於愿之得韓文也余曰是何言也以余無似何敢當文公之責也且老且病矣甲管已久類而不綴安得以當玄晏之托也其愚愈篤義不可終辭遂受而卒業抽壳而叙之曰士之有道也德為本而文為末行為內而知為外觀乎尊者之平生則可謂本末俱而內外備矣文是載道之器辭達足矣何可為務於雕琢燁然若春華之燦燦而無實哉且一齋知全鼎之味讀之不覺起敬而歛衽其言平淡其志堅確少無售巧要譽之態一以孝友



謹恪為主其用心處事無不當理動合規矩愛人濟物之  
仁修己奉先之節有足以模範鄉黨可傳於百世則視彼  
雕虫小技文華相尙釣名於當時而頃忽之間烟消泡散  
無跡於後者其優劣得失何如哉王盧之輕浮淺露未得  
令終而無聞蘓黃之記誦詞章耀人耳目而卒不能容於  
程朱之門則彼所謂繁華者奚以哉尊先之德行縱未及  
於顏閔地位生平事行可以無怍有辭於後則文之寡多  
詎有重輕於實德哉余以衰耗不文妄加一塵於卷首烏  
得免穢佛之誚乎

歲著雍困敦陽月上弦

德啟宋斌憲叙

--	--	--	--	--	--	--	--	--	--



晚軒遺稿卷上

詩

初秋二首

辛酉  
十歲作

清心亭子上覽物假風流雲色山頭夏蟬聲樹尾秋  
西天節序至昨夜火星流蘿過三庚夏梧當一葉秋

松谷書齋示諸生

壬寅

受積山能大納流水自深如知深且大不改讀書心

松社謾詠

初榆古巷好為隣  
濕潤真工日就新  
先我文章明月愛  
還山從此遠城塵

別界閒踪半是仙  
古松流水白雲邊  
詩骨頓清塵外想  
旅懷渾忘酒中眠

無邊落木正秋天  
近日風情得酒圓  
卧飽書聲遊物外  
濯來心性挹清泉

塵外清緣得地閒  
半夜書聲落木間  
明月清風曾問債  
詩家宿債積如山

田家卽事

五穀之中重此禾  
田家喜望益多多  
康衢年月今秋又  
醉飽相傳樂歲歌

食力齊民祿在田  
一生奔走少閒筵  
青榆花底黃梁屋  
白



酒相將賀有年

答友人

滿目蕭條始送秋  
逍遙懶步小欄頭  
宦海風波無足說  
書以外更何求

此鄉遠隔漢陽城  
羣小盈朝反覆輕  
守古衣冠應不泯  
黃河休運幾回清

書屋苦熱

一門小屋向西開  
倒射斜陽觸壁回  
馮扇被矜良久席  
乘昏蚊隊動山來

印景

藍風吹雨玉生烟一色郊扉纔眼前又有山原盈視處丹  
霞忽起白雲邊

百成洞書齋雜詠

始覺春聲戶闢東草心木性自生風柳遍溪面將舒綠梅  
吐天香欲放紅

檜栢成林擁四隣青山價重不憂貧戴頭誰認蒼天澤雨  
露迎春造化真

閒窓得月坐清宵萬籟聲沉數里遙世事如雲從我好虞  
人豈肯大夫招

偶題



清晨出盥坐移時物物相形盡入思松老十年穿赤甲梅  
逢三月煮冰腮心勞萍海身難返計晚書床肘不離每欲  
排懷頻得句此生非是愛吟詩

傷時

我東神府闢三千地近扶桑日出先鳳下梧桐鳴以鼓龜  
遊蓮葉小如錢昌平年月唐堯并分疆山川箕子傳乾坤  
必不長為夜應消氛祲尚依前

文山書齋與族兄錦圃吟

春盡南郊夏令行天機活潑假人鳴風輪萬里噓為氣雷  
鼓千門鎮以聲身放塗泥從外累心收經籍積中明居山

自絕塵埃想友收隣樵愜野情

其二

酒國青青白髮春覺今難改昨非人託名不淺終為假循  
性無違自得真雖說二南歌聖德其何八域漲胡塵文房  
卧起還如許日日提攜四友親

其三

天體東西日月門或如鷄卵或如盆循環自有四時序闔  
闔應無長夜昏萬物相容人最貴三綱不墜道常存讀書  
餘暇兼鋤穢桐栢山連栗里村

其四



閉戶看書着意深不知霜髮此中侵香梅瘦雪還生色弱  
柳當風易許心圓滿期如新月出神明畏似上天臨商量  
時事今何世更剔孤燈坐整衿

錢春詩

挽之不得坐山陽飛蝶難追萬里長三月繁華樽外日六  
朝佳麗夢中鄉芳草無情緣雨碧落花夕恨滿泥香明年  
必有重回約不似人間一去忘

留松社憶友人

印須我友首頻回近日寥寥客不來庭畔久懸徐孺榻月  
中空對謫仙盃佳緣已足遊靈地往事曾驚送恂灰偶得

今春花樹樂別般風致建詩臺

述懷

縱橫歧路四邊通宦海雲林各不同  
妄抱國憂思漢北徒因家累住山東  
蒼松持節能經雪老柳生心自引風  
粒粒齊民歌歲德休祥從古莫如豐

倦履逍遙酒力微曛風吹雨入山扉  
屈吟澤畔誰曾別陶賦田園我與歸  
詩思三分春色至塵心太半世情非  
鳳凰不啄無名實清瘦於人勝濁肥

百度風霜始返余清懷晚覺讀書閤  
門楫未揚心還恥宦海無緣夢亦虛  
野麥新抽三日雨園花半雜七分蔬  
狂吟



爛醉從吾好此性元來賦願初

觀雲亭詩會

夏日長長等少年青衿齊會白雲邊松窗藤絆來疑路石  
裂沙明聽小泉後代新愁千古遠先生遺址一亭圓詩緣  
留我慇懃意歸履彷徨已夕烟

巢鶴洞吟

煮魚溪上酒相分詩侶周旋動聒聞半世流離無賴客勝  
筵團樂偶成羣文山地僻多青嶂巢鶴天高管白雲一日  
清遊銘百歲此生醉飽感諸君

逢李友吟

有德兼才動輒神問君何作白雲賓錢金爭利名難久風  
月爲家價不貪快是今朝心上客恍然前夜夢中人鶯歌  
鶯語如相助伐木聲邊意更新

### 鋤禾

農時不奪賀吾君土鼓聲中會一羣牽犢各從山色窺聽  
蛙共踏水聲分風塵無管焉知武歌譜有倫略近文罷鋤  
歸路爭相并紛紛簞笠亂如雲

### 訪李西雲

必榮

### 遊觀雲亭

尋君此夕上雲亭把手相看眼更青石面千層攀小檻水  
聲九曲瀉虛汀風前月下須來去夏尾秋頭幾醉醒閨巷



久爲絃誦地先生遺蹟尙今聽

述懷二首

我東嘗稱小中華不幸胡旗獵獵斜  
江漢傳來元有主八  
民生活豈無家憑虛妄想浮雲裏倚斗微忱碧落涯此世  
誰能醫國手寥寥未振更何加

日月其除不醉何激懷徃徃動悲歌  
門楣未揭青雲薄書  
帙空添白髮多鶯有許心求必友鷺  
寒底性立當波分明  
此漢頑如石自適所之歲歲過

與聾山登西林亭

西林亭子翼如飛眼界隨風萬景揮  
坐挹澄清流水近日

看縹緲遠山圍梅花散落羌兒笛玉杵爭鳴浣女磯借問  
何人輸巧力穿楊百步隱郊扉

登南樓

狼臂城前水北流柳陰冪冪擁烟洲西原物色無雙地左  
海風光第一樓有酒恒多餘日樂看花快滌去年愁回想  
前人今古異江山依舊感吾遊

與永弼共吟

暖風晴日午雲輕衿珮青青子獨行隨周蝶夢尋花國吊  
楚魚魂到水城追逐何難千里信歌吟猶記百年聲莫恨  
茲遊春已暮黃梅佳節又牽情



訪梨山

數笏梨山屹且峨行尋書屋舊情多  
槐陰滿地晴還雨泉響穿林靜亦波  
挽我幾時投轄語思君近日打壺歌  
正憐風景回頭處一段詩愁可奈何

鳳林小會

十里青林設此遊打魚酌酒對清流  
世慮應看蕭相筆仙緣多在李膺舟  
遠勢摩雲山角角濃陰滿地樹頭頭  
鄉隣勝事明朝約更上湖邊有月樓

過南村詩會

短策出門意自牽傾聞高會酒如泉  
海心雲關三千里奎

運圜開五百年偉學於今多藝苑絕遊從古可詩筵錦囊  
檀世諸君子休道畸生一未賢

訪小院族中

脫却衣中坐夜天一般懷緒共無眠簷花滴滴頻鳴雨爐  
篆團團細起烟俄到隣家盃狼藉更從此席語蟬連風波  
苦海君休說久待詩椎響有年

答金雅

有君咫尺住城東置一書樓講樹風月榭凌雲塵外迥篆  
紋瀉壁畫邊通曾遊翰墨詩心銳能謝官衙世念空萬事  
參差須莫恨晚來清福在斯中



答芭隱

草樹深青正夏天幾時把臂語相連一鄉文墨名都下半  
世星霜苦海邊西蕝風多松學雨南橋水澗柳如烟思君  
未見詩先到輾轉羈窓愛不眠

聞京音吟

西京消息報湖東清將倭兵却不同擁城遁八千家夜鞭  
馬長驅萬里風幸得良平心計大雪言武廣運籌空無生  
有死軍民語共指生男已過中

上元前夕延梨齋

在三

見訪因請西雲共賦

乘昏努力訪幽居舊誼新緣故不踈院深始返衝風鶴水

澗能容縱壑魚願豐我釀留朋酒希世君藏教子書况值  
良宵知己會從容談笑靜如虛

山東新事便巢居欲學堯夫計未踈齊海天寒高士鳥  
鄭池波澗枝人魚留賓無量家中釀教子深箴架上書  
明月今宵梅下宿信風吹被宛憑虛

右西雲詩

一生誰似此閒居塵世嘉遯計不踈松老千年宜養鶴  
池寬數畝合觀魚貧惟儲得供賓酒老尚收來教子書  
良苦詩賢隨月到始知名下本無虛

右樂齋詩

### 幽居

開戶年來客到稀松枝檨葉滿庭圍烟霞痼癖餘雙屐宇



宙悲歌尙布衣梅下殘香綠雨沒柳邊落絮倒風飛於中  
無奈塵間事謾使浮雲斷是非

有客吟

清明月夕勝花朝客踏青山路一條茅茨數間松下屋烟  
波十里柳邊橋初云送旅難相識為到鄉園不甚遙南國  
元來多傑士詩囊幾處使人饒

唐柳

參天高大向疇誰露葉猶應恨翠眉無絮徧憎羣烟據有  
枝不見巧鶯隨雨痕渭北城邊歇春色章臺路上移似杞  
似楊唐種子何年沉落此山湄

山樓卽景

一樓粧點小山隈  
晚眺生林首更回  
月輪轉作千家燭  
雨脚鞭來萬里雷  
潤物神機天所使  
釣詩良策酒能媒  
鶯兒返舌鷄孫大  
歲色於焉半夏催

杏亭酌酒

鴨脚摩雲百尺高  
理吾倦屐出庭臯  
透林虫語無時歇  
滿樹蟬聲盡日騷  
君子風清淇水竹  
仙人跡露武陵桃  
抵詩晚學青蓮醉  
濡首歡情滿酌醪

上谷書齋與松窩共題

松窩旅徑在鶴

不闕京耗亂如絲  
習靜非琴亦匪棋  
花樹門前開後學  
松



坪墓下奉先祠心香欲細春風暖談柄稍長日影遲甘露  
今朝堪可喜輿情自解恨參差

家累絆身不息有炎天無暇懶搖扇溪明片雪忘機鷺樹  
引清風學語蜂藝園每誡兒性頑萍鄉難得客心全蹉跎  
曾徃無成就只願他時事事圓

上福泉寺

飄然乘輿入青山幾日經營到此間老樹一邊禽舌巧落  
花石還容筇還靜看梵書將就息更探風景且非閑好是  
福泉明月夜一般清趣對仙顏

聖日路中口號

發聲啼鳥谷中天留別名區望一邊  
奇巖重疊難尋壑老樹扶疎未記年  
雲容欲雨多朝露蒼裏留人起午烟  
福泉寺下回頭立十里東風細草芊

上歡菴

青山重疊萬花開杜宇聲中剝啄來  
閑僧隱僻松為寺白鶴栖涼石似臺  
乾坤不老千年在節序無情點裏催  
清景如斯心自醉上菴夕日久徘徊

贈閔都事

宣尼大觀泰山登千幾百年皆不能  
松柏無光交草沒風烟張勢接天凝  
家貧白髮難為士世亂青雲盡在僧  
子厚



文章還以悔六愚何掩八凶稱

自適

日月其除不醉何激懷徃徃動悲歌門楣未揭青雲薄書  
帙空添白髮多鶯有許心求必友鶯寒底性立當波分明  
此漢頑如石自適所之歲歲過

行路吟

世路行行不盡行路中得路路層生山外看山山更峙水  
邊聽水水爭鳴器盈欲置全安地棋着還次勝枰須緬憶  
留侯辭萬戶人門了債計初成

幽興

見得誰能不苟求，滔天慾海晝宵流。  
夢煩明月遊花國，思入清風近竹樓。  
四友相携多有益，三盃惟洽可埋愁。  
傍人若問漁樵事，水綠山青興更幽。

山亭使兒童做對

一笠亭前萬樹深，繁陰滿地翠相侵。  
晚鶯互現林間色，孤鶴翻回野外心。  
世苟如毛宜減稅，詩清到骨更高吟。  
斜陽憐爾兒童癖，白戰爭能故不禁。

夕陽在山目送兒童散去

松陰轉邃路微長，詠罷亭空坐夕陽。  
干戈頻動由何處，丈酒相尋是我鄉。  
碧嶂興雲山立盡，黃梅送雨野添香。  
維令



諸子皆分遣  
抵夜逢月一場還

### 山臺懷古

聞道江南有鳳臺  
風烟無限謫仙盃  
羣山半入青天屹  
百水皆從碧海來  
高士東歸明月在  
美人西望亂雲開  
以今想古今如古  
但使流光莫謾催

### 夕坐

霏霏林壑夕先昏  
滿地泥融雨過痕  
豐草連阡深野路  
歸雲遮谷失山村  
杜老杖藜愁釦閣  
侯生擊柝隱夷門  
誰遣飛觴令得醉  
黃梅日候動詩魂

### 望雨

山川逞氣薄為雲偏滿須臾片片分海上蹈歸誰義士日  
邊悵望是吾君衣冠忽變知新俗眼髮相酬讀古文恩雨  
早餘天所賜惠然膏澤降紛紛

自叙

舊院蒼松水上閤身兼六口是吾居早年失學詩書昧晚  
計治生產業踈倦鳥知還風蕩海蹇驢不怕雪盈橋挑燈  
撤讀徘徊立遐想迢迢入太虛

其二

欲進無能馬不先着鞭在後到今年先陰如水猶為客風  
雨驚人只信天野帶浮青烟際闢山含虛白月中連鷄鳴



嗟嗟清晨起卷裏分明對聖賢

文山書齋示學中

教子誰非不有誠誠無實地反違情疎才猶責三冬課獨  
步將期萬里程盈科自然流水達研精况若太陽明咻咻  
貨利終難抑一辭其何衆楚聲

卽事

崇朝有雨夕難晴枕下寒泉始送聲鍾磬雲嵐迷寺洞沙  
潮風打動江城路多阻隘羊腸險春不從容鳥語輕賴我  
宗親遊舊館叅差兒大又新情

次泉上朴老壽宴韻

有一仙翁晚福圓座如天上設筵絳袍喜舞無量日友  
瑟諧調不盡年宗族同欣花樹下賓朋共醉月樽前試見  
棠檯春自在孫枝子葉永相傳

次李友壽筵韻

座高壽域老萊隣鶴筭龜齡白髮新棣萼連枝兄弟樂藍  
田種玉子孫仁西阿仙降同床日南極星回設酌辰韋賴  
不遐矣感祝講來世好又姻親

輓李都正

花痕草色短長亭都正公何去不停春暮東風寒食日夜  
歲南極老人星三孝呼天皆髮白一宗占地舊山青八十



餘年千萬事杜鵑聲裏舉丹旌

鳳岡書堂講後題

一經惟勝萬籟金講古床頭歲月深  
巨壑能容千斛水片風輕落數聲  
砧酒逢知己安辭醉琴抱良辰自解音  
覽德祥禽何處去庭邊枳棘久成林

倉洞書舍訪聾啞

族侄在錫共吟

意內相尋眼忽明吾人頭白老於情  
文章瘦骨衝風鶴童子英齡出谷鶯  
風雨蕭蕭何日霽男兒鬱鬱此時生  
有君新設琴書局貽阮絃歌萬念平

聾啞見訪

數宵有約適今來萬樹迎風動地雷片片殘花隨處落團  
團好月夢中迴使酒狂歌惟我事能文且筆是君才白話  
玄談猶未了玉燈香炷半成灰

東村書亭訪金藥史

居山別業最能文如畫風烟界七分地之名勝非無主天  
以幽閑已許君栽梧論價前明月種藥為生半白雲又是  
新亭庭畔等醒心有美且休云

題新亭

初夏風流始起亭雲生簷角月留庭挹前水色鳧膺鏡插  
後山形鶴背屏巨擘有為臨勝地輕舟何意泛虛汀從今



優得逍遙地但惜光陰去不傳

耕讀吟

山家耕讀百年生耕讀自堪貧且清林下耕雲雲是性農  
間讀書盡唯聲懶耕不可求人活好讀終能啟我明勤讀  
不愚耕不餒不愚不餒是常情

梨陽詩會

洞闢梨花澗水陽謝君高會語煩長擇隣里美難忘契滿  
室書香倍有光為士因緣多格手錢春心事少剛腸莫言  
此地佳期晚况復芝蘭出衆芳

百成洞書齋會金定堂講後題

楚狂身世冷如秋  
隙地相從暇一遊  
微雨灑窓孤月出  
亂山通野小溪流  
英才不器君唯在  
晚路多歧我獨愁  
滿目荆榛非樂土  
伴筇何處與同休

和如春日淡如秋  
每為函筵到此遊  
天旱尤憐逢雨宿  
月明還有送人愁  
相從物外心偏靜  
始信山中俗不流  
古云四益身雖伴  
杖屨無妨旬一休  
右定堂詩

卽景四詠

憐爾南來飛渡江  
不嫌貪主讀書窓  
掠波頻警忘機鷺  
低地何疑注眼鷹  
曠漢同遊惟舊侶  
柴桑見逐已陳林  
間百鳥愁風夕  
高坐彫樑伴小釘  
右鷺子



作門太歲記干支子女養來喬木枝具體縵成能遠奮數  
飛無奈迹相移橋管天上銀河浦巢傍人間碧柳池強強  
此物猶求匹衛風亂俗豈無知

右鵲雛

寒花未發粟花先洞口徧渠獨然明碧樹渾封寒雪裏青  
山割入白雲前晚香猶借蜂蛾採密朵深歲鳥雀眠此亦  
林窓增物色一盃閒卧詠詩仙

右粟花

可養可食一無刪養來河北自荆蠻摘餘自落猶委巷嘗  
得多般或取山品異縱難邊豆實味佳宜入鉢盃攀非櫻  
非奈甘如蜜生熟分明紫黑班

右桑葚

山村卽事四詠

登家有業極艱虞掃紙玄玄滋大俱作繭薪如封雪樹線  
絲盆若注烟爐採葉曾愁朝雨驟織機不下夜燈孤遍體  
綺羅門外客閨中應是此勞無

右養蚕

養犢逾年二角齊蓄舍今亦試郊西朝亭稱意委穉子午  
饑如斯托老妻并轡為雙來去備耕疇不一縱橫迷數疇  
未畢回頭立落日於焉下野低

右馴犢

枷頭大麥碎如灰兩脚蹲蹲進退來稚子戲遊難近圃傍  
人壯觀不登臺滿場秋色黃金散如海風波白地開揚簸  
箕風迷月夕紛紛醉倒濁醪盃

右打麥

十九圓枰妙理真或宜白髮或青春勢却蜂飛凌強楚計



非食笑貪秦合圍交錯心還密全活方多意更新賢於  
浪度因為癖此外何閔富與貧  
右圍棋

喜雨二首

昔人志喜著於文况是今年又我羣非玉非珠聲散下如  
酥如藥氣微醺黍禾生色新添潤溪澗無私各注分從此  
家家秋有望豐為上瑞世皆云

樂以為歌記以文不知皞皞是何羣遠近交歡看厚俗公  
私均洽想明君聽流元亮依筇住志喜坡翁舉酒釀三句  
渴望咻叱際雨一占豐可化云

李上舍壽筵韻

無疆遐壽受仁天三達功名顯甲年紫誥榮恩能裕後青  
氈基業乃承先芝蘭左右多香砌杖屨東南盡羨筵瑤海  
春風從宦海碧桃丹桂影相連

鄭景山 和用 壽席韻

海籌添屋計長年不使喬松獨美前沿湖經中尋路正道  
遙物外養心全友琴調瑟餘齡邵彩舞趨庭瑞日圓棣萼  
連花麟又抱禾陽洞古自人烟

韓石田 奎錫 壽宴韻

百花齊發政春天有一仙翁此座然孝子彈誠編愛日夫  
人享福且同年偉學研精今世罕清儀尚德舉家圓笑取



瑤桃含以弄麟孫岐嶷統床前

上本州牧繡傘韻二首

克念圖存在拯人寒烟窮節過陽春隨機安業民懷德莅  
事明治世稱神一境淳風還舊俗二天和氣際良辰煌煌  
繡傘清寧閣多少侯恩像得真

垂紳正笏萬機清德以治民不以榮官柳引風新有色閣  
梅送雨細無聲西湖名溢令人伏北闕誠懸白日傾出宰  
外方非本志為邦其奈作干城

賀韓石田初仕詩

石田眉宇氣和春感祝恩榮白髮新依舊長明天有日滿

無疆遐壽受仁天三達功名顯甲年紫誥榮恩能裕後青  
氈基業乃承先芝蘭左右多香砌杖屨東南盡羨筵瑤海  
春風從宦海碧桃丹桂影相連

鄭景山

和用

壽席韻

海籌添屋計長年不使喬松獨美前沿溯經中尋路正道  
遙物外養心全友琴調瑟餘齡邵彩舞趨庭瑞日圓棣萼  
連花麟又抱禾陽洞古自人烟

韓石田

奎錫

壽宴韻

百花齊發政春天有一仙翁此座然孝子彈誠編愛日夫  
人享福且同年偉學研精今世罕清儀尚德舉家圓笑取



瑤桃含以弄麟孫岐巖繞床前

上本州牧繡傘韻二首

克念圖存在拯人寒烟窮節遇陽春隨機安業民懷德莅  
事明治世稱神一境淳風還舊俗二天和氣際良辰煌煌  
繡傘清寧閣多少侯恩像得真

垂紳正笏萬機清德以治民不以榮官柳引風新有色閣  
梅送雨細無聲西湖名溢令人伏北闕誠懸白日傾出宰  
外方非本志為邦其奈作干城

賀韓石田初仕詩

石田眉宇氣和春感祝恩榮白髮新依舊長明天有日滿

朝皆賀上知人早年篤志清  
貧守晚路揚名遠近親松塢  
禾陽相望地畸生幸得好為隣

訪禾陽書齋與石田共賦

客到詩窓暫得休香雲籠日雨初收  
偏憐幽草巖階足高放竒花表屋頭  
烟霞載筆今春約風雨同床舊日愁  
回憶鬢齡遊此地却嫌歲月疾如流

登斜陽山小酌

行穿巖石上如天披草相看座復圓  
回合千峰收晚靄分流百谷送寒泉  
樽前花暖心先醉眉上春曛意欲眠  
大抵吾生從所好入山何必靜如禪



登巨門山暫風

暢懷陵彼小岑頭坐挹清光俯碧流  
四月鶯花依舊樣十年膠漆解新愁  
里巷淳風多古俗烟霞痼癖近仙樓  
斜陽歸路分歧處好鳥迎人喚不休

惜春

野色伶然綠欲寒有誰何力起花殘  
杜鵑聲裏忽忽過蝴蝶叢中脉脉看  
事到和平還未易詩多曲折尙知難  
滿目風烟生晚眺浪吟清醉去留安

新晴

雨絲搖颺任輕風雲裏玲瓏日脚紅  
忘機溪鷺驚波潑

事山蜂趁院空客致遠情如逸驥兒難馴性仰飛鴻攝衣  
更欲尋香去饒笑溪花一兩叢

逢菊洞金友

湖海春城駕一般忙然把臂坐悠然山含殘月通書室鍾  
引長風響洞天有客喜聞梅鶴警抽身未易谷鶯遷留期  
他日如相說不負深盟鴈鷺邊

栢洞雅會

碌碌場邊是子居招朋十里舊情餘院深禽語聲聲各野  
露籬容影影踈衝虎氣騰今日酒迷蛾工大古人書相將  
新別頻回首歧路斜陽暎上裾



松村謾詠二首

澗綠冷然夜欲寒  
臨詩無酒得句闌  
家貧每借農夫力  
才劣何須亂世官  
古木經春心綻碧  
沆霞入洞氣蒸丹  
黃河千載清何日  
百遍思之夢亦難

四月風清麥氣寒  
百花看盡覺時闌  
有妻新釀三盃酒  
教子曾期一品官  
貨界人皆雙眼白  
卷中誰守寸心丹  
周旋從此清遊足  
何直千金勝木難

訪海隱山庄

詩思迢迢酒力微  
山前得路伴雲歸  
濃陰滿地深成海  
芳草憐人翠染衣  
超俗膏衿清欲瘦  
臨風杖屨健如飛  
緗簾

透日庭花落，中有仙翁識者稀。

與湖石往北巖納涼

鶯歌四月出門時，行穿繁陰步履遲。  
麥氣動人涼似水，樹心結子綠盈枝。  
風烟攬袖行仍坐，叢石橫程轉更移。  
勝日尋芳綠甚事，為君每欲一題詩。

鵲川途中與錦浦共賦

白鳩迥潔動滄波，楊柳愁鞭遠客多。  
烟霞成癖詩難廢，草木生輝雨乍過。  
碧樹濃陰蔽野戶，青山落照掛漁簑。  
男兒出世非無意，于鈞於書一未何。

除夕

辛丑



去年此夕又今年  
旅裏光陰泛在船  
亥子中分鷄唱屋  
寅相迎蟻磨天  
苦吟易醉尋常酒  
欲挽無能百萬錢  
明日誰非添齒者  
小燈如豈不堪眠

歎時事日變

洙泗淵源道氣真  
秉彝同墜是蒸民  
巧言能慧非賢士  
純性無違感鬼神  
必守祖宗傳有業  
未聞胡越共為隣  
看書廢置長吁發  
不見尊周唱義人

春峰詩會

折簡相招日已昏  
清風明月殺家村  
野光海倒魚龍氣  
樹影烟籠鳥雀魂  
酌酒幾巡逢後事  
行詩一句去餘痕  
黃花

又有重陽節不盡佳期處處論

答金雅

碧烟一抹數三家  
檉葉纒紛柳影斜  
鷗鷺橫翻溪上樹  
牛羊散入洞中霞  
心遊劬筑思燕北  
夢踏江湖渺楚涯  
滿幅瓊瑤何以報  
竒君格手鍊金沙

逢紫陽李友

字聖昌

晚蟬已歇鴈聲頭  
秋色雙南此地留  
斃葉踈籬深野屋  
稻花流水淨書樓  
錦囊近日君何富  
驛路他時我亦愁  
半世無名須莫恨  
江湖餘債證閒鷗

又題



肯把衷情盡日吟一章詩樂敵清琴青春有約留賓館白  
首無名遠士林隔水蘆花通野色喧窓梧葉動秋心寅由  
專沒君休說未盡餘懷故不禁

逢丈材族人孝善吟

九秋尾接小春頭冷碧乾紅滿地流寒雨過林聽落木孤  
雲出洞靜書樓萍鄉應惱詩人夢塵白元無達士愁最是  
吾門花樹約悅親情話足清遊

松洞書齋逢鄭友吟

倚山老屋靜如空樸馬嘶風趁夕風旅飯郵燈雙鬢白巖  
雲嶺月寸心紅窓含殘雪依依裏野帶迷烟遠遠中積歲

於依何以贈各探驪窟子應功

逢義城族人吟二首

北遊多日下鄉關為訪吾居始解顏  
花樹難忘千里外風烟不負一宵間  
孤村迥潔臨流水老屋半欹倚碧山  
靳別他時留後約湖雲嶺月兩邊還

日月居諸暖我遊况君貽恍可登樓  
青春才富平生夏白雪歌寒太半秋  
砭耳幽鶯渠獨病無心閒鷺爾何愁  
湖嶺元來雖落落百忙除却願同流

雨中逢隣友

雨中雙屐踏暝歸耕讀之間意不微  
大野蛙喧乘水起虛



林螢嶠迹窓飛話欄傷煩誰受好詩文行套世皆違措火  
居鄉難補士看書餘暇織蓑衣

愛我茅廬倚碧山雨中跋涉到艱閑浴鳧飛鷺浮沉外棲  
鳥流螢隱現間書可十年然後說農何七月以前閒齒過  
半百非云老自在風光尚舊顏

謾吟二首

片雨無常碧嶂懸蟬聲一樹半晴天匏花迥白村容潔稻  
葉深青野色全以外塵心多絕俗於中清趣反如仙萬端  
歧路今拋置两眼開時意豁然

雨餘溪澗自成江隔水行人路斷石丁上千篇於我足世

甲申 卷之九  
間九鼎有誰扛鶴翎翻雪頻四院蛛網封檠始剔缸近日  
聞窓無所事詩愁種種滿丹腔

訪鄭景山

尺地相分恨未齊景山獨出亂雲低見賓不愛羊公鶴為  
士寧羞孟嘗鷄野麥翻秋時雨霽庭林翳日午烟迷青蘓  
白飯詩兼酒醉飽歸程踏澗西

徃本邑社稷壇吟

松間迷路翠陰斜醉裏相看逆旅家洞腹風薰香大麥山  
容春綻展奇花多逢厚酒藏之久又有新詩葢以加手捲  
殘盃分袂處近人嬌鳥語沙沙



是夜入邑內舊館宿

乘春節屐覺身輕况值良宵月復明特地眼青宜結契此  
生頭白揔由情一樓雲靜起塵白萬井烟沉落市聲為質  
主人詩禮勉茲遊元不偶然成

和韓石田立春詩 二首

椒盃釀得上詩欄歲首將回臘尾殘彩鷲東郊開淑景土  
牛北陸送餘寒迎新必有家家吉治劇何逢處處安從此  
佳辰先我作願言無恙永相看

坐對韶光獨倚欄太陽振起百虫殘雪痕消白知風暖柳  
眼窺青却日寒絳縷相傳祈壽福椒盃共醉得閒安為吾

心祝庭前樹花葉年年碩果香

應觀察使試舉

以郎事并梅竹蘭為題押韻布告州

三角山高漢水清萬民咸仰至治明正中龍德千年址禦  
外鴻謨八域城里巷歌謠依舊俗文章著述摠新聲微軀  
還似籬邊物回首長安北望情

右郎事

百花叢裏品清真宜白宜紅早得春林下有綠來處士窓  
前問信憶鄉人是何國艷留閒地不使天香落溷塵稍待  
南風貪結子蘭兄菊弟好為隣

右梅

一春貫得四時天拂水巖村立立前暖日蕭蕭風力借寒  
尚慊慊雨聲牽清陰不改能留客直節難回尚比賢半世



無為着白髮願君挽我繫長年

右竹

一生軟弱美人資僅長尺餘反欲垂翠葉分藏烟  
根亂吐雪殘時採香九畹春風艷識嗅零陵暖日  
遲此物  
不同九草性獨并芝蕙共留期

右蘭

又代人作

黃河千載運回清瑞日東方德化明  
聖忠良為柱石備  
邊成武作千城一天至大還無象  
四海平分反有聲萬戶  
春濃恩詔下秉奠誰不感衷情

右卽事

衆芳壓出獨天真學圃先栽一樹春  
水澆冰清懷遠客參  
橫月落想佳人寒翕欲下疑殘雪  
戲蝶相尋奈俗塵暗香

浮動依稀夜西樓東閣自為隣

右梅

穿地脩脩直向天看來菟裏又窓前  
雨添葉上蕭蕭過風動枝間細細  
牽直節如扶塵世在虛心可比古  
人賢為蕭曾入留侯手散楚鷄鳴  
問幾年

右竹

一束并頭早得資散如亂髮不勝  
垂佳人相佩傳香日君子同看結  
契時春雨為憐來細細秋霜無奈  
降遲遲汎觴曲水今何處字勢縱  
橫大筆期

右蘭

到水落書齋與醒石

金宅洙共賦

行白溪南路轉東一棧迤出四隣  
同依筇聽到十年水野袖携來萬  
樹風洞古人遊熙皞界里仁兒集  
誦絃中誰不



天恩多感祝降民上瑞在登豐

寒食日押寒字作二首

三十六宮一日寒年年為旅又今看禁烟未暖佳辰飯插  
柳宜兼上巳蘭遠客問帘何處醉青燭下塚夕陽殘子時  
懷想終難寫請與諸君共盡歡

一變東風萬國寒忠魂陟降此中看誰家進粥香添杏是  
日尋詩契托蘭節亦清明還雨滴春何寂寞己花殘所懷  
如彼非今事醉把華箋與子歡

和金鵬磨九洙詩二首

欲省尊堂歷訪時謝君乘暮路何遲萍筵未暖相逢語尺

地無常後見期酒得佳緣經處處花無猜意共枝枝戀戀  
致慰憐吾獨笑眄美美又有詩

未見相思願見時見時還未語遲遲前宵難解燈前夢此  
席如將月下期春深龜洞花千樹路入松堤柳萬枝多少  
風光經過處為吾說與錦囊詩

夜越莊子洞嶺

莊子洞如鈞閣城任節只信路分明松頭雲白疑巢鶴柳  
際金黃想有鶯涉險終通山小關乘昏幸賴月初盈間闕  
歸到書聲屋兒童齊出笑相迎

仲春作



林院有禽沼有魚晚來幽趣本無虛平生憎醉還謀酒抵  
死清貧可讀書片月乍傾村樣僻遠燈隱暎夜容踈當今  
詩債春九切問柳看花處處餘

翌日夜又題

萬事參差恨未齊離家數里隔東西歸雲中斷青山屹皓  
月平臨白屋低處世曾羞能語鷓為男幸免不鳴鷄諸君  
迭唱猶堪賞笑把華箋百遍提

松

瘦甲聳幹如許長四時一色正蒼蒼經年霜雪知高節隔  
水笙簧奏樂章洞口自成三逕邃園中不作百花香卷山

身老官嗚得恩溥偏多相翳王

竹

四時春色勝於花評品多傳君子家  
密葉當風篩夜月孤根裂石穿溪沙  
能容隱者藏村立欲近幽人上砌斜  
模得生綃如韻發瀟湘一面畫中賒

梅

獨出羣芳雪裏開品高寧上野人臺  
林郎有室佳緣結炎帝著經聖世回  
東閣宜看閒士興臘天不待化翁才  
如何敢恐離騷漏萬古志魂屈子哀

柳



澗畔垂垂鎖洞門  
滿汀微綠易為昏  
纖枝春富黃金色  
落絮風飄白雪痕  
驛路受傷慙客別  
官筵諫折感君恩  
繁陰暮暮鶯聲亂  
中有人家不見村

### 海棠花

根托庭頭迤不遑  
花開灼灼半欹斜  
色奪天桃還勝錦  
性非香茗豈和茶  
楊妃昔日魂餘矣  
西施當年醉後耶  
紅紅無數看愈愛  
迫出羣芳第一奢

### 火爐

燧人遺德尚今哦  
賴爾由來問幾何  
守口無聲言語絕  
為心煎烈吐吞多  
稠座携移隣草檯  
寒厨出入送烟波  
團團

形質控猶完醉客當前擊節歌

倭燈

始看技斂作何曹非錫非銅此物遭白透蓋冠清似玉紅  
濃為體大於桃間窺飛蝶心常拍中有潛龍影未逃若入  
青樓先一掛黃金不惜醉醒豪

南草

種得良田不啻東層生鱗葉利無窮取香自別三農裏待  
傾猶高五穀中經夏稍肥楊柳雨當秋盡曝稻花風披者  
隨手皆盈尺皮物光明箇箇紅

逢李叅奉圭蓋吟



愛君衿珮耀人間意到相尋半日還  
白屋生涯寒似水青  
春銳氣聳如山祇今謠俗多新本見此神符尚舊顏  
眉宇  
初清貽我悅蟬聲七月一樓閒

徃雙巖書亭洗硯請

行穿雙巖路轉幽有君把臂勸登樓  
一阡黍稷居人業半  
世星霜旅客愁庭樹初涼炎雨歇  
洞天小闥白雲留道遙  
盡日還忘去狼藉盃盤故未收

上谷書堂過清安金雅

粉嶺橫穿萬樹林謝君努力遠來尋  
楚天流帆逢司馬衛  
柳和風憶展翕宿雨頻繁晴日小  
晚花寂歷古閣深浮萍

身勢何時定每向樽前易許心

緇夜吟

蟬聲已歇又虫聲秉燭相看座復清評品何辭金谷酒經  
霖如在晉陽城滿天無限流雲去竟夕終難片月生秋士  
衿期雖說晚黃花佳節亦閑情

逢金小石

在璿吟

曉睡遲遲日色高滿林喧雀亂亭臯村如栗里人栽柳路  
入仙源客問桃論契君為名下士舉盃誰是酒中豪笑談  
未已翻成句醉興淋漓弄在毫

答族侄建七

在璿來題



坐對清光月上時  
近人稍稍自東移  
石場經雨頻生角  
桑葉無風不動枝  
久廢田園違世易  
常因家累出門遲  
孤懷除却今看汝  
一日重來又有詩

幽居謾詠 三首

山氓野老喜同隣  
樵牧求生亦可人  
分肉持名終不累  
意中結契轉須親  
日沉平地形形恠  
月到中天面面真  
雖是窮鄉無士友  
若聞勝事振衣巾

白日沉西靜四隣  
村砧已歇若無人  
尋樵難得懸衣慣  
舉燭方知滿座親  
老莊述理歸虛誕  
孔孟循天是實真  
以今想古傷心客  
不網多時亦不巾

樞事方登冷北隣清貧長在讀書人為民居岫勞還遠尙  
友知分遠亦親有響出禽知侯作無私日月到天真衣裳  
鱗介忍何易從古惟宜緇布巾

答少年詩

讀書以外本非豪戎爾莫為無賴曹枕澗樓將流水淨居  
山人與白雲高佳辰遊覽餘雙屐歧路嶮巖惜一毛今日  
做工休說苦勞還有逸還勞

基谷柳友暉楚韻

南極星邊有老人仁為安宅好居身片言折獄皆循度素  
志無瑕可樂貧伯叔一門和氣溢祖孫三代晚榮新補觴



孝子斑衣舞聞說吾今笑彈冠

鍾巖采通政辟席韻

六旬今日際清涼南極星回獻賀堂孝闈一門揚闡筆彩  
衣三子舞稱觴雖知上黨多靈地始見鍾巖作壽疆於萬  
斯年延益意元來積善必為祥

杏亭

為亭此日創佳名携手歸來各盡情下蔭桑麻子尺遠高  
分槐柳一行成心貪結子枝枝密色欲爭春葉葉生最是  
孔壇絃誦後流行元氣四時平

家畜四詠

濕耳無聞講誦筵時時降飲洞中天肥身願得竊公飯健  
力多耕傑溺田病在炎陽逢月喘飽來芳草卧烟眠名托  
雲孫秋七夕星河萬里渡非艤

右詠牛

蕭蕭霧鬣氣凌秋能借英雄萬里遊檻上高蹄寒玉削草  
頭長尾走星流嘶風每有回頭意涉險曾無蹶足愁出戰  
功成周武世華山歸後幾年休

右詠馬

一鳴使客出關門物性元來養在村善聞牆頭爭白日齊  
登埒上迹黃昏唱傳中夜晉人舞化得初年朱氏魂俱體  
分明兼五德犬羊叢裏豈同論

右詠鷄

潤毛濯濯細於絲尾短蹄懸又麤眉欲效功勞姦盜禦不



忘飼育主人知雪中吹客風霜闋杞底巖形歲月遲楚犢  
韓盧皆有類當頭所用豈無時

右詠狗

城南夜話

愛君詩橐儲唐音乘興無端到夜深熱界風來翻覆手旱  
餘雨下太平心頓忘家事雖疎放其奈朋緣似古今聞說  
南遊山水勝急穿芒屨去登臨

其二

拋却塵寰假與真行尋酒國有長春鳶魚自得乾坤定草  
木先知雨露新驛路光陰萍泛海布衣本色葛為巾諸君  
若問無名我請許山東一散人

其三

一曲悲歌歎數奇公然髮白俗人機  
雖難天品清明氣願作塵寰強健姿  
雨後魚龍欣得水風前鳥雀各依枝  
看來世態應如此想痴何須物外窺

其四

百年統計我中間往事曾無一日閒  
為旅常多新面友登樓先得故鄉山  
雲難留趾時時去月亦知心夜夜還  
又是主人聽水入衣邊細雨濕斑斑

花嶺詩會

嶺名自在四時花到此招朋惜日斜  
芳草綠溪分細路青



烟擁樹隱農家問香莫恨三春過攜手何云十里賒從古  
茲遊雖淡泊紅箋綠酒反如奢

華嚴詩會

洞口風生麥氣清華嚴重到眼先明野光迥出三南路石  
勢參差九女城大士元無林下老狂夫豈許酒中盟逍遙  
盡日還忘去滿幅瓊瑤盡有聲

赤巖詩會

塵世始逢物外遊赤巖之下碧溪頭披草并臻高士屐穿  
雲先訪故人樓永日挽春花應在濃陰滿地柳如流相將  
靳別斜陽裏把酒同消萬古愁

